

放點

見點痘色紅活尖聳神情清爽順症也透肌湯

荊芥

防風

紅花

山查

蟬蛻

粘子

青皮

桔梗

木通

赤芍

甘草

表實天寒加羌活蘓

葉

表疎者去防風

天暑加香茹六一散

小便

清去木通赤芍小便秘加滑石嘔吐加乾葛重用蘆

根煎湯代水煩渴加花粉乾葛大渴加石膏夾疔驚

加勾丁益元散疫多加前胡花粉傷食加消食藥

曉菴曰建中用乾葛而不用防風以風藥爲燥也不知



防風乃風藥中之潤劑荊芥氣味辛溫所以能行血散
表而發痘疹配在涼血藥中正藉其溫散不滯之妙至
於川芎初見點者用之最妙身上先見者更宜加入
纔熱一日痘即見點熱勢如烙或手足冷神情愁慘煩
躁不寧稀處即帶焦紫密處如浮萍疊錢蟬窠之象間
有一兩處或無此症而夾斑夾疔者皆係毒火伏而未
透其後必稠密不堪險而逆者也宜用必勝湯冬月戒
生地而急服之

必勝湯

治血瘀氣滯乾紅紫暗貫珠攢簇不活不鬆

毒火兩伏者

大黃

小劑七分至三錢大劑三錢

青皮

五分至

桃仁

二錢至

紅花

五分至

赤芍

木通

三分至

芥穗

至錢

半葛根

三分至

生地

三錢至

大力

七分至

地龍

至廿

一條地丁

小劑三錢

中劑七錢

蟬蛻

二分至

山查

大劑一

兩五錢

中劑一兩

蘆根

三兩三味

煎湯代水

同地丁

山查

風寒未清

毒

火未透去生地加密炒麻黃

風寒已清渾身壯熱

唇鼻見血去桃仁紅花赤芍重加生地石膏川連紫

滯而內微黑者本方和猪尾膏燒人糞



發熱一日其痘通身湧出稠密焦紫即使神情安靜內
無惡症亦十不救一設或密而尚分顆粒紫而不致潰
猶可扶助收功初時只宜清火不宜疏肌使重
表以致日後有痒癩之患大抵血熱者居多因火勢之
輕重而解之宜用

清涼攻毒飲 石膏 三錢至一兩 黃連 一錢至三錢 木通 荊芥

紅花 各八分 犀角 三分 青皮 七分 丹皮 一錢 生地 五錢

至一兩 地丁 一大錢 三錢至六錢 火未透者去川連生地加

密炒麻黃已透者加生地猪尾膏地龍紫草之類且



去黃連以其初見點也

見點其熱只有一日半日熱勢雖微痘稀朗無甚惡態
後必變爲極重之症初雖一點次日必攢聚而成三
次日必攢三而成九庸醫不知此理每因色形尙未發
露神情尙未狼狽始而輕許擔當既而呀然失色以其
不知發熱見點必不可以一日半日者也未有一日半
日而有順症者也斯時只有用蕩滌之法以殺其勢庶
可挽回

又有見點僅數粒色不甚紅亦不甚白身體溫和神情

亦安只是囊窠屢日不見粗壯色澤不見光肥名曰等
伴痘後必大熱神昏一齊湧出不救者居多此等標痘
皆不可以輕忽者也

見點時一發出便盡者必重症也夾疹者半輕半重者
也外黑裡赤者微重也外白裡黑者至重也瘡端裡黑
點如針孔者勢劇也青乾紫陷昏瞤汗出煩躁熱渴腹
脹啼喘大小便不通者困也

見點時有過期熱不退痘未全見標者全要看熱勢輕
重內症好惡熱輕內症好者症必稀熱重內症惡者症

必重且防內潰必用建中蕩滌之法

見點三日內或隱而不透或透而不高其故雖多大約
有四一因風寒固秘外必聲重鼻塞涕流疫嗽皮毛拘
緊而不透外感也宜用

溫肌透毒散 加減隨症

防風 川芎 蟬蛻 山查 陳皮 桔梗 甘州

麻黃 炒蜜 內火盛加石膏或用

溫肌通聖散 川羌 荊芥 防風 紫草 紅花

木通 赤芍 地丁 青皮 粘子 山查 蜂房



當歸 加胡荽蘆根 凡腠理阻塞血凝氣滯窠粒

隐隐於肌肉之間痘色乾紅晦滯神情悶悶者此方

主之 其二飲食停滯胸膈飽悶吐酸噯臭中阻填

塞而不通內傷也宜用

寬中透毒飲 隨症加減

山查 麦芽 葶子 陳皮 只壳 青皮 前胡

葛根 桔梗 蟬蛻

其三痘形紅紫面紅唇赤聲音亮口氣粗脉洪數此因
毒火熾而不透也宜用前鬆肌救潰湯 冬加蜜炒麻



黃四五分石膏三錢夏加蘇葉八分石羔三錢
香茹宜間服

神應奪命丹 治痘瘡毒盛透發不起者

辰砂一兩囊於白紗內外配升麻麻黃各五錢紫草
連翹各一兩四味同入紗囊於沙鍋中用新汲水桑
柴火煮一晝夜取出辰砂研末仍有煮砂藥汁將綿
漚清晒乾爲末聽用 麻黃不去根節蜜酒拌炒黑
色地上出火氣八分蟬蛻洗淨去足翅一錢紫草酒
洗三錢紅花子一錢五分真蟾酥五分山甲酒拌炒



一錢五分共研細末用猪尾膏杵爲丸桐子大週歲者一九二歲者二丸餘三丸爲則酒漿化服厚蓋取汗擇天醫生氣日合

其四身體溫和精神困倦痘形沒白二便調利面帶青色此因元氣不足而不透也宜用

玉屏托裡散 生芪 防風 當歸 川芎 粘子

山查 荆芥 陳皮 白芷 甘草 體虛加人參

蘇葉

見點有夾斑者細如蚊咬大如筋頭不等色紅活者可



治色紫暗者凶此由六經火盛逼血外滲也用必勝湯
加紫草豬尾膏色黑色藍者不救或因跌撲損傷腹
上有稜角斑者不在此例必勝湯加地龍 劉禪師用
地龍汁和犀角水投服亦心得治斑之法 或用荊芥
紅花莖仁地龍赤芍生地青皮粘子等和豬尾膏服則
斑散而痘起

有夾丹者其肌肉紅色與遊風相似有夾雲頭斑者或
紅或白如風疔瘡之塊者皆用前鬆肌透表湯加麻黃
五六分石膏三四錢 若痘之根囊板硬異常而非塊

者又須調氣爲主而兼蕩滌壯熱而揭裳掀衣火已透者加黃連犀角

有夾癰者其癰能遲至貫漿後破者無碍如正當貫漿時潰者恐癰內洩氣痘却無漿初起藥內即當重加解散之品如川羌木通赤芍青皮之類得痘起癰散爲妙有夾塊如癰毒者或在頸或在身總以先見塊而後見痘者無恙名曰癰毒先見痘後見塊者名曰鬼腫大凶重用疏散則塊消而痘起方有生機如因毒盛而早用清涼則鬱遏而痘不起矣初起治法與夾癰同如并有



內症凶惡者不治

有夾疔者服鬆肌救潰湯加地丁三錢急用銀針挑破擠出惡血外用

四聖散

填入

珍珠

豌豆

燒灰

髮灰

等分

冰片

一厘

油胭脂調

塗

或敷拔疔散用雄黃研細綿胭脂浸水和點挑

破處少遲則疔破內膜者不治

疔色或黃黑白形

或大小不等但疔頭必凹根無紅暈按之板硬者是

也 痘未見點先報紅絲疔者一晝夜即死須用外

科秘傳拔疔散可救

有夾雜痘者亦須挑破然後正痘方能起發雜痘小而頂高根無紅暈而軟痘疔大而頂陷根無紅暈而硬有夾疹一條在第四卷中論之詳矣麻杏石膏湯加成最爲穩當以其辛散而不純用清涼疹能退而痘能起也

以上諸症猪尾膏燒人糞散金汁雞矢醴珠黃散奪命丹等方皆可間用加用以救毒熾之症

有夾驚者面有青氣但不惡寒手足兢跳卒然啼哭若有所見如人捕捉緊抱則安稍動則悸甚則目睛斜竄

手足搐搦者是也宜用 防風 川羌 薄荷

山查 勾丁 連翹 蟬蛻 粘子 木通

等味本家鎮驚丸最好瑣言珠黃散亦好

鎮驚丸方

九製胆星

兩一

天竺黃

錢五

辰砂

錢四

牛黃

錢二

雄

黃

錢四

姜蚕

炒

白附

天麻

錢各一

珍珠

寸香

錢各五

冰

片

分三

雪水煮甘艸水打糊爲丸

放點三日內痘未出齊斷不可用涼藥如芩連犀地等

有冰肌阻遏之患火熾而毒已透者不可概論天暑又

當活變 又斷不可用毒藥如山甲人牙等輕則音啞



北京中医药大学图书馆版权所有

唇裂重則失血膚裂眼突之禍虛寒而毒尚伏者又不可概論

一日半日即出齊者其症表虛者多不可再用疎肌如荆防之類即宜清火涼血

六七日未出齊者其症多裡實不可用香燥藥如山甲人牙之類宜鬆毒透表大約用鬆肌救瀆湯穩當而有力

放點從人中及繞唇四圍者佳若先標兩顴者兩眼眶者次之先正額司空兩太陽者凶耳前後鼻準先見半



凶半吉身上及胸腹先見者皆凶腰脇更凶而難治
放點時須看根窠脚地四字以辨吉凶生死何謂根外
圈而紅者是也即圈之紅否而其中之虛實與痘毒之
淺深可見矣何謂窠中透而起頂者是也即窠之起否
而痘毒之淺深氣血之盈虧可定矣根欲其活窠欲其
起紅暈之處謂之脚界限欲其不散不雜空隙之處謂
之地顆粒欲其不相連綴脚欲其固地欲其寬四者俱
順痘雖密無慮矣

痘色乾紅紫滯渾身壯熱而掀衣揭被者毒火已透於